

129 Rakan Informasi Lesen dilantik

Portal MalaysiaBiz mudahkan urusan komuniti perniagaan

Utusan Borneo (Sabah) 26 Jul 2017
+1 more Oleh SURAIDAH ROSLAN

KOTA KINABALU: Seramai 129 Rakan Informasi Lesen (RIL) dilantik di sini pada Selasa bagi memudahkan komuniti perniagaan di Sabah

mendapatkan maklumat terkini mengenai pendaftaran dan pelesenan perniagaan.

Menteri di Jabatan Perdana Menteri Datuk Joseph Entulu A/K Belaun berkata pelantikan RIL yang mewakili setiap pihak berkuasa negeri itu berperanan untuk memastikan informasi dalam Portal MalaysiaBiz terkini, sahih dan

tepat.

Dengan itu, ia akan membolehkan komuniti perniagaan mendapat maklumat yang terbaharu dan dikemaskini ketika mereka hendak mendaftar atau memperbaharui lesen perniagaan.

Beliau juga berharap agar semua RIL yang dilantik itu dapat memberi komitmen sepenuhnya untuk memastikan maklumat dalam portal itu sentiasa dikemaskini.



MAZLAN (tengah) menyerahkan surat lantikan RIL kepada Pengarah Jabatan Pembangunan Perindustrian dan Penyelidikan Patrick Tan (dua kanan), turut kelihatan Hashim (dua kiri).

Katanya pelantikan RIL itu selaras dengan inisiatif Program Perusahaan Kecil & Sederhana (SME) atau SME HIP 1 yang Berimpak Tinggi 1 (HIP 1) diperluaskan ke Sabah.